

ბ რ ე მ ე ნ ე ბ ე ბ ი

რ ე ს პ უ ბ ლ ი კ ი ს მ თ ა ვ რ ო ბ ი ს ა

სამხედრო უწყების მიმართ.

18 ივლისი 1919 წ. ქ. ტფილისი.

№ 153

სამხედრო სასამართლოს თავმჯდომარემ პიტაკით № 1231 ამა წლის 23 მაისიდან მაცნობა, რომ სამხედრო მსაჯულნი კოლეესკი სოვეტნიკი დავიდოვიჩი და პრაპორშჩიკი წივწივაძე და მდივნები თაყაიშვილი და ნოზაძე სამხედრო სესიის შემადგენლობაში გაგზავნილი იყვნენ სოხუმის ფრონტზე და ქალ. ქუთაისში 16 მარტიდან 2 მაისამდე.

ცნობა: სამხედრო სასამართლოს პიტაკი № 1231.

14 ივლისი 1919 წ. ქ. ტფილისი.

№ 154

§ 1

ჯარის განზრახული რეორგანიზაციის გამო ვებრძანებ მე-2 ცხენოსანი რაზმი მისი სრულის შემადგენლობით ეხლავე შეერთებულ იქმნას 1-ლ ცხენოსან რაზმთან. ქონება და იარაღი გადაეცეს სამხედრო სამინისტროს შესაფერ განყოფილებებს.

§ 2

ცხენოსან ბრიგადის შტაბი დაშლილ იქმნას და ოფიცრები, რომლებიც თანამდებობაზე არ დაინიშნებიან, საზოგადო საფუძველით შტატ გარეშე იქმნენ დატოვებულნი.

შტაბის ჯარის-კაცნი გადაყვანილ იქმნენ 1-ლ ცხენოსან რაზმში, შტაბის ქონება და იარაღი კი გადაეცეს სამხედრო სამინისტროს შესაფერ განყოფილებებს.

§ 3

ოსებში სრულის სიმშვიდის ჩამოვარდნის გამო ეუბრძანებ ცხინვალის სპის უფროსს, გენერალ ყარალაშვილს, სპის ნაწილები გაგზავნოს თავის ბინებზე, და ამასთანავე სპის შტაბი გაუქმებულ იქმნას.

§ 4

ცხენოსანი რაზმი უშუამავლოთ ემორჩილებოდეს სამხედრო მინისტრის თანაშემწეს, და სამთო ცხენოსანის არტილერიის ბატარეა უშუამავლოთ ემორჩილებოდეს საარტილერიო სექციის უფროსს.

17 ივლისი 1919 წ. ქ. ტფილისი.

№ 155

მთავრობის რწმუნებულმა დამფუძნებელი კრების წევრმა ლ. ა. ჟღენ-ტმა გამოვიგზავნა ფოთის სასურსათო მაღაზიის რევიზიის ანგარიში, დარ-თული შომართვასთან 9 ივლისითგან ამ წლისა № 24.

ამ ანგარიშითგან დავინახე დიდი ცარცვა-გლეჯა, რომელიც ხდება მოსამსახურეთა მხრით აღნიშნულს სასურსათო მაღაზიაში. ცარცვა-გლე-ჯის კვალის დასამალავად, როგორც ჩანს, განძრახ მაღაზიაში ანგარიში უმართებულოდ უწარმოებიათ და რევიზიის დროს აწეწილი აღმოჩნდა. პროდუქტების შემოსავალ-გასავლის ძველი დავთრები 1917 და 1918 წლე-ბისა აქამდე არ არიან გაგზავნილნი კონტროლში სარევიზიოდ. შემდეგის წლისათვის გადატანილი პროდუქტების ნაშთი არაფისგან არის შემოწმებუ-ლი და ხელმოწერილი.

შემოსავალ-გასავალი თავის დროზე არ ყოფილა შეტანილი და ყველ-გან არ არის მაღაზიის ზედამხედველების ხელმოწერილი მიღებულსა და გაცემულს პროდუქტებზე. ზოგიერთი ციფრები ან გაბანულია და წაშლი-ლი ან ამოფხეკილი და გასწორებული ჯეროვანის შენიშვნის გაუკეთებლად. პროდუქტების შემოსავალ-გასავლის დავთართან ზედამხედველის არაშიძის მაღაზიის გამგებლობის ხანში, 11 მაისითგან 1918 წ. 1 ივნისამდე ამ წლი-სა, საქმეებში არ აღმოჩნდა 12 საბუთი. საკვიტანციო წიგნები დაუდევ-რათ არიან ნაწარმოებნი, არა აქვთ შევსებული ძირები და ხანდახან ფურ-ცლები აქვთ ამოგლეჯილი. საზოგადოათ არა ჩანს მუშაობა მაღაზიის ზე-დამხედველის მოხელე მაქუტაძისა, რომელიც განაგებს მაღაზიის საქმის წარმოებას. ზოგიერთს ჩეკის მოთხოვნებზე არ არის მიმღებლების ხელმო-წერილი პროდუქტების მიღებაზე, ზოგიერთებზე არ არის დასმული ნაწი-ლების ბეჭედი; ხანდახან პროდუქტები გაცემულია ბარათებით; არ არის 25წ ფუთი კომბოსტოს სოხუმში მიმღებელის კვიტანცია. დიდძალი პრო-დუქტია გაცემული სასყიდლით კერძო პირებზე; ხოლო ზოგიერთს ჯარის ნაწილებზე კაცთა რიცხვთან შეუზომელი დიდი რაოდენობა, როგორც მა-გალითად 1-ლ ცალკე ცხენოსან ასეულზე, რომლის შემადგენლობაა არა უმეტეს 120 კაცისა, გაცემული ყოფილა ერთგზობით 60 ფუთი შაქარი, რაი-ცა უნდა ჰყოფნოდა 6-7 თვეს. პროდუქტები დაუდევრათ ყოფილა შენახული. იატაკზეა დაყრილი, მუშები ზედ დაიარებიან და იღუპება.

რომ ანგარიშის წირვობა განგებ ყოფილა მიტოვებული, ამას ამტკი-ცებს რევიზიის მიერ აღნიშნული შემდეგი სამსახურებრივის ავადგამოყენების ფაქტები, რომელნიც ჩაუდენიათ მაღაზიების ზედამხედველთ და მათ თანა-შემწეთ ანგარების მიზნებით:

1) ფული, რომელიც ყოფილა მიღებული გაცემულის პროდუქტების-თვის ფოთის სამხედრო პორტიდან, რუსთა ეროვნულის საბჭოსაგან და გენერალ რასტორგუევისგან, არ არის შეტანილი შემოსავალში და დაუ-ტოვებია თავისთვის ზედამხედველს არაშიძეს.

2) იმავე ზედამხედველას დროს მაღაზიას თავისით მიუწერია ფოთის საპოზიციო ბატერიის ჩეკის მოთხოვნის უკანა გვერდზე 50 ფუთი ზედმეტი შაქარი, რაიცა ბატერიის სულაც არ მისცემია.

3) მალაზიის ჩაბარების დღისთვის, 10 ოქტომბერს 1918 წლის, მალაზიის ძველს ზედამხედველს არაოშიძეს გამოუყვანია გასაყალში, — შენიშვნით: „გამორიცხულია, ხოლო არ არის გამოწერილი გასაყალში ოქმებით №№ 678 და 129“ — ჩაი 2 ფუთი და 8 გირ., შაქარი — 67 ფუთი და 16 გირ., კონსერვები — 504 კერძი და თევზი 1 ფუთი და 20 გირ., რაიცა გატაცებული აღმოჩნდა.

4) იმავე არაოშიძის, მის თანაშემწის მახარაძის და მეკანტორის ჯიქიას დროს უფროსთა გაუგებინებლად და რკინის გზის ან გარნიზონის წარმომადგენელთა მოუწვევლად, შეუღგენიათ ოქმი 60 ფუთი შაქრის, 47 ფუთი შვრიის, 27 ფუთი კომპოსტის დაკლებზე, ხოლო გამომძიებელის თანაშემწის მაჭუტაძის, ვახტერის კანდელაკის და იმავე მეკანტორის ჯიქიას დროს — მეორე ოქმი, 62 ფუთი შვრიის დაკლებზე, ამასთან ოქმები ხელმოწერილია მხოლოდ აღნიშნულის მოსამსახურეების მიერ.

5) მალაზიის ჩაბარების დროს: ა) არაოშიძეს ჩაუბარებია დარჩიასთვის მარილი 4867 ფუთით და 14 გირ. იმაზე ნაკლები, რაც უნდა ჩაებარებინა დაეარებით, ხოლო შაქარი ჩაუბარებია 191 ფუთით და 25 გირ. ნაკლები იმის მიუხედავად, რომ უმისოდაც შაქრის გასაყალი ყალბად ყოფილა ნაჩვენები დავთრებით 217 ფუთით და ათი გირვანქით მეტი ნამდვილს გასაყალზე; ბ) დარჩიას კი დაეარებით უნდა ჩაებარებინა ახალის ზედამხედველის პოდპორუჩიკის ეფრემიძისთვის 792 ფუთით და 37 გირვანქით იმაზე მეტი, რაც ნამდვილად ჩააბარა და გ) პოდპორუჩიკ ეფრემიძის დროს რევიზიამ აღმოაჩინა შაქრის დანაკლისი 1892 ფუთის და 2 გირვანქის რაოდენობისა.

6) ზედამხედველების არაოშიძის და ეფრემიძის და მათ თანაშემწის მაჭუტაძის დროს ყოფილა სამი შემთხვევა დიდის ჯამის პროდუქტების მიღებისა — 325 ფუთი შაქრისა, 100 ფუთი ზეთისა, 15 ფუთი ფქვილისა, 4 ფუთი საპნისა, ვითომ მათთვის უცნობის მიძღვრების მიერ ყალბის ჩეკის მოთხოვნებით. ერთი ასეთი ავადგამოყენება აღმოჩენილ იქნა კონტროლიორის სალაძის მიერ და გამოაშკარავდა, რომ 10 ფუთი შაქარი მიუღია ვითომ საღარაჯო ჯარის შავი ზღვას რაზმისთვის ამ რაზმის სამუდამო მიძღვრულს პოდპორუჩიკს ლოპიძეს აღნიშნულის რაზმის ყალბის ჩეკის მოთხოვნით, რაიცა სცოდნია მალაზიის ზედამხედველს პოდპორუჩიკ ეფრემიძეს.

7) რევიზორის ბენიაშვილის მიერ 1 იანვრითგან 1 ივნისამდე ამ წლისა აღმოჩენილია მსხვილი დანაკლისი თითქმის ყველა პროდუქტებისა მალაზიაში ზედამხედველის პოდპორუჩიკის ეფრემიძის დროს, სახელდობრ: შაქარი 907 ფუთი და 19 1/2 გირ., ზეთი 14 ფუთი და 1 1/2 გირ., ღორის ქონი 7 ფუთი და 3 გირ., ჩაი 5 ფუთი და 6 1/2 გირ., საპონი 35 ფუთი და 36 1/2 გირ., ხილის ნაწური 67 ფუთი და 22 გირ., სიმინდი 701 ფუთი და 11 გ., ცარიელი პარკი 358, ბრეზენტი 14 და სხვა.

მალაზიის მოსამსახურეთა ჩვენებით ქონების სისტემატიური ტაცება მალაზიითგან ხდებოდა ბეჭდის, საკეტის და კარების გაუტეხავად იმ დროს, როცა საშხედრო ყარაული იყო მიყენებული.

მატყობინებს რა მოხსენებულს, მთავრობის რწმუნებული ლ. ა. ქლენტი საჭიროდ სთვლის:

1) დაუყოვნებლად დათხოვნილ იქნან სამსახურიდან და მიცემულ იქნან სამართალში ფოთის სასურსათო მალაზიის ზედამხედველი პოდპორუჩიკი ეფრემიძე და მისი თანაშემწე მოხელე მაჭუტაძე, ხოლო მათ მიერ მალაზიის ახლად დანიშნულის ზედამხედველისთვის ჩაბარების შემდეგ, დამწ-